

paybalbalay

ray 'oem'oemaeh kak'i'iyah hayza' ka 'in nonak a kapanra:anan, nak mita' kin'i'iyahan rape: tani hahila: hinSaylo'. 'ana kano' ma' hayza' nisiya ka kin'i'iyahan, 'okik hingha'. paybalbalay 'okik hingha'. 'aehae' hahila: 'aehae' tinal'oemaeh maySoSoway 'okik ra:ami. 'oka' kamahontini' ma' 'oka' kamarengreng honaehnge: 'ima haysiya nanaw. 'oka' o, 'ana hiya' ma' 'okik ra:am 'okay Sahoero: ka 'inokik hingha', naka homawan. hini koSa'en "paybalbalay!"

koSa'en "paybalbalay" SikoSa' balbalay maySoSowaw ka kai' mina. korkoring maySoSowaw 'a'ibabaw ila, Sinepe: ka hahila: 'alikaeh a tomal, naka boehoe: Sipanae' "Siyo: Sa'!" hato ila. 'ana nakhiza 'aehae' mae'iyah 'inay 'o'owa', kokoring, 'al'alak, wa'isan ila o tatini' ila ma' hayza' nisiya kapanra:anan-- nak mabasez, tatini', 'ayaeh, masay ila. 'aehae' mae'iyah So: kaysa'an 'o'owa' rim'an tatini' ila kita'en 'am papaSoS ka mae'iyah. 'ana nisiya ka'ina'an ma' 'am 'okik Sekla' ila. So: 'okik paySoSowaw 'ita' 'am homSoS 'am 'e:'e:'e:.

hayza' 'aehae' kapayaka:i' Sa', "kamaSompan ka hanowan, nisiya hanowan Siprae:iw ila, hiya' ra:am hanowan maraS 'aehae' naehan ka hanowan lobih." 'ita' 'izi' 'az'azem koSa' hayza' ka 'ima 'aewhay howaw nanaw, mak'aehae' ma' hayza' ka 'ima kayzaeh. "ilaS kita'en hayza' ka 'ima hiloloway ma' hayza' ka 'ima minahtang, mae'iyah lohapez ka 'ima kayzaeh ma' 'am lohapez ka 'ima 'aewhay." hayza' ka pinorpa: ma' hayza' ka pinawawalae', hayza' ka kaspengan kapanra:anan, hini ma' koSa'en maySoSoway paybalbalay ila.

ma' hayza' naehan kinita' Sa', 'aehae' mae'iyah So: 'iyapakhil'awan ka basang, ma' pakhayza' ka ra:an nom taniSowaw. 'inin'alay 'am matawaw 'aewhay kapanra:anan o hopay; mak'aehae' bate: ila 'am

maSangay sowiti' a 'iya'intani', 'isa:a' mina 'okay 'es'es ka hina'azem. 'oka' o, So: nonak 'a'ehe: sowiti' rengreng totowa'is manra:an a pak'inhana: ka basang, honaehnge: ila ma' 'am rengreng ila. kita'! mae'iyah rengreng papa'aehae' noka "maySoSowaw, paybalbalay" ila.

kiSka:at ma' hingha', pakhayza' ka kaktaniSowawan kakiSka:atan ra:an paybalbalay, 'izi' koSa' makSa' 'am tatsakel ray kinSiwa'an. **taktakmoroe**h ka sini'ael, 'okik ra:ami ka sini'aelan nak'ino' bazae'en, **taetae'ani** paybalbalay 'am somi'ael; kiSka:at ma' 'oyaeh pak'es'es ka Sinarak, totowa'is 'am lomoehloehay, nakhiza kinra:aman ma' 'am 'es'es ila. 'in'alay kiniSka:at ma' hingha' hopay bazae'en, 'iyapatae'aes. 'oka' o rengreng ila maySoSowaw ma' 'am tabin homawan ila, honaehnge: ila ma' 'akoey ka kinra:anan ila.

'in'alay basang tabin basang 'i:zo', **'ina'alay** sin'elan tabin hina'azem, naka mae'iyah kin'i'iyah nakhini nanaw. 'ita' papi kin'i'iyah 'okay honasamez nanaw, ma' mangowip ila hini 'ima Sapang ka kaspengan kinra:aman, tani 'oem'oemaeh ka pinanra:anan panra:an, pakhingha' ka pinanra:an **ki pina'inhana:** ka basang, pakhil'awan ka hina'azem! 'izi' koSa' 'ana 'inowan ma' 'am 'okay talsekel! 'okay talsekel mak'aehae' mina ni nonak 'ibabaw ka hinola', talam pakhil'awan ka hina'azem, **sowisowiti'** kaSkoraeh ka hinoko', 'aehae' hahila: pakhayza' 'aehae' ka 'ima SaSo' katalsekelan, So: nakhini bazae'en 'oka' ka pinatawawan, talam 'a'ehe: sowiti', pak'es'es sowiti' ka hinola', sepeng nonak 'ima lal'oz ka wa'is panra:an ma' 'am talsekel ray **ka'oSa'an.** ra:am ila 'am nak'ino' komilwa'is, ma' 'am 'okay tikot ila. tani tatini' kinora:an ila, maybalbalay maySoSowaw ma' 'am 'alra:am 'iniSo'!

漸漸的

自然界有一定規律，遵循法則生生不息，日積月累，沒有永不消逝，也沒有永存。就是「漸」。

「漸漸的」孩童長大，時光飛逝「咻」一聲過去了。經歷生老病死，一夕變成老叟令人吃驚，可能父母也會認不出他。少了「漸」，我們更喟嘆，更感慨。

「塞翁失馬，焉知非福」、「月有陰晴圓缺，人有旦夕禍福」，一增一減有一定的定律，而定律，是基於「漸」的原則。

做學問也一樣，不可能一步登天，囫圇吞棗的記憶無法維持，唯有踏實履行，才能成為真正的知識。透過閱讀練習來培養實力，「漸漸的」會習慣，渴望獲取更多，永遠都不因此滿足。

當疲於奔命時總會忽視重要道理，順著穩固的節奏去走，別總覺得達不到目標，試著放鬆，一點一滴累積。若覺停滯不前，稍微給予壓力，用適合的方法去實踐，總有達成的一天。了解並懂得運用，「漸」就是推動前進的助力。